

Racoiüda refodam da tosser (patris vedles, lac, öri, bossi de sprai, löms neon, medejines vedles, refodam cun FCKW): en lönesc ai 18 de novëmber a San Martin dales 9.00 ales 10.00 dan le magazzin di stödafüch.

UNITÉ PASTORALA VAL BADIA

La Unité Pastorala Val Badia tëgn na sèra de reflësciun "**Sön porta de dlìjia**", en vëndres, ai 22 de novëmber, dales 20.00, tl salf de calonia d'Al Plan. Carlo Suani presenterà le liber "**Sulla soglia della Chiesa**" de Christian Ferdigg. Mësa torona cun siur Klaus Sottsas y d'atri. Al moderëia Pablo Palfrader.

SAN MARTIN

Incö domënia, 17/11 vëgnel tut sö dala gran mëssa **les sorvidësses y i sorvidus nüs**: Luis Clara, Andrea Kastlunger, Federica Pedevilla, Lucas Verginer y Denise Verginer a chi ch' ti audun tröpa ligrëza te süa bela funziun.

Incö domënia, 17/11, do la gran mëssa tl salf dla refeziun: Sentada generala y ciastagnada dla **Uniun di Seniors da San Martin y d'Antermëia**.

Bel **dilan dles ofertes** por la dlìjia (ciampanes) da San Martin en recordanza dla defunta Maria Dapunt Erlacher da: Pio Trebo, Monica y Leo Crepaz, families de Giovanni Rubatscher, fam. Carmela Erlacher, fam. Ottilia Pedevilla, fam. Purgli Clara, fam. Otto Erlacher, fredesc y sorus dl Tasser.

I Jogn da San Martin inviëia i mëmbri dla uniun ala ciastagnada en sabeda, ai 23 de novëmber dales 19.30 ia dal Gattererhof a Elvas. Prenotaziuns cina en dedemesaledema pro Sara 334 15 41 471.

La Uniun dles Ères organisëia n **curs da fé checs da Nadé** cun Rosmarie en dedemesaledema, ai 27 de novëmber, dales 19.00 ales 22.00, fora Al Plan. Por prenotaziuns telefonede 339 31 15 679.

Al vëgn bel perié sc'al foss n volotar o l'ater che gniss a desparé incër dlìjia y dan calonia canch'al nëi. Chi che surantol chësc sorvisc é periá da telefoné a Leo Crepaz 348 40 96 351.

LUNGIARÜ

La Uniun di Seniors da Lungiarü inviëia al **referat cun siur Tone Fiung** ai 20 de novëmber a Lungiarü dales 20.00 tl salf "Rituai y usanzas canch'al mör na porsona – Co me comporti pa canch'ara vëgn da surantó val' sorvisc?"

En gaujun dl de internacional dl voluntariat Ves inviunse Os voluntars y voluntares dla Ciasa de Palsa y dötes les uniuns che á fat val' sorvisc volotar ia por l'ann, a na Mëssa de ringraziament cun n pice renfrësch. I oressun insciö dí dilan de döt ci ch'i fajëis. Dër bel inviades é ince dötes les porsones interessades da fá sorvisc de voluntariat y insciö dediché n pü' de so tëmp ai berbesc y ales mëdes dla Ciasa de Palsa. I Ves aspetun l'atra sabeda, ai 30 de novëmber, dales 15.30 tla capela dla Ciasa de Palsa.

Le Comité nü dla uniun dles Patronas da San Martin inviëia ala sentada generala l'atra sabeda, ai 30 de novëmber, dales 14.00 tl salf di stödafüch.

Da d'aisciöda vëgnel tigní n curs da fá la troht a San Ciascian. La referënta é Anita Vittur. Al pó gni al plü 5 partizipanc/tes. Chi che foss interessá é bel periá da contaté Hildegard Senoner 340 98 34 074 cina ai 30 de novëmber.



www.unitepastorala.org

Plata dles Ploanies San Martin y Lungiarü

siur ploan Klaus Sottsas 344 15 54 055 - klsottsas@yahoo.de
siur curat Heinrich Perathoner 339 6574213 (calonia S.M. 0474 453003)
redaziun: anton.gasser@rolmail.net - 348 27 44 517 / 0474 523 194




17.11. – 24.11.19 nr. 51

ultimo termo por comunicaziuns: jöbia dales 20.00
radio: 90,40 / 93,70

33ª DOMËNIA ia por l'ann C

Vangele do Lüca 21,5-19 (trat cotan adöm)

Tratan ch'al n'ê de chi che baiâ dl tëmpl, tan bel ch'al ê, à Gejù dit:
Al gnarà n tëmp, ch'al ne restarà de döt cant chësc degöna pera sura l'atra.
Ai â damanè: Maester, can sozedarál pa, y da ci sëgns le conescaran pa?
Al à respognü: Metede averda, ch'an ne ves ingianes nia!
Deache tröc lovarà sö te mi inom y dijarà: Iö sun chël!, y: Le tëmp é chilò!
Ne stede a ti salté do!
Y sc'i aldis baian de veres y de tumulc, ne stede a se lascè sprigoré!
Al gnarà de gragn tremoroc y te tröc posc möries y ciaresties;
al sozedarà cosses da fá pôra,
y sö al cil odaran de gragn sëgns.
Mo denanche döt cant chësc sozed,
ves porseghitaran
por gauja de mi inom
Spo podarëise dè testimonianza.
Sc'i restëis frëms,
davagnarëise la vita.



*Ne messunse nia se temëi, sc'al ne restarà gnanca na pera sura l'atra?
Mudaziun dl clima, intossiamënt dla tera y d'lega, bombes atomiches ...
Y lapró globalisaziun, secularisaziun y spariziun dla fede y dla Dljia!*

Nia n bel vangele, mo por me él impó n vangele de consolaziun y de confort.

*"Chirí la presënza de Dî te dötes les cosses" dij sant Ignaze da Loyola.
Te dötes les cosses y esperiënzes, te döt le bel y ince tles dificultés
é Chël Bel Dî presënt. Te döt pó y ó Idî se mostré a me.*

*"Sc'i restëis frëms, spo davagnarëise la vita."
Cun chësta fede te Chël Bel Dî che é te dötes les cosses ói resté frëm/a:
Fedel/a, cun dorada y fidënt/a che Idî ó me scinché te döt la vita. (Chr. R.)*

EDEMA LITURGICA	SAN MARTIN	LUNGIARÜ	 Ai 13 de novëmbër él sté le "De Mondial dla Valènzia y dla Bunté" Ince sce chësc de é passé, paiel impó la mëia da le recordé. Chësc de inviëia da cunté inant y da dé y fâ plü notizia dles bunes opres che sozed danter la jënt. Al é tröpa valènzia y bunté tl monn, mo dainré nen vëgnel baié y scrit. Forsc deach'an mina che valènzia y bunté ne n'é nia tan importantes, ch'ares dërza fora püch y ne müda apëna le monn. Mo ara n'é pa nia insciö. Valènzia y bunté é dër importantes. Tan che datrai parores valèntes o n sorí nes á daidé inant tla vita, sá vignun da dí, sc'i ponsun do. Baldi vëgnel plü ion cunté inant, sc'an üрта da se ciafé parores sozes o sc'an vëgn tratá cun manires groies. Chësc é dër sciode. Sc'al ti gniss dé te nosc baié, ti foliec, tla televijiun y tl internet deplü pëis ala valènzia y ala bunté, spo gnissun ince nos y nüsc dis plü valënc y plü bugn. Porchël nes inviëia chësc de mondial da ester y da resté sensibli por le bëgnsté di atri. Ince cun de pici sforc vára da ester valënc y bugn: contënc cun se instësc y avëi na parora d e dilan, de incorajamënt y de paziënza por i atri. Döta la valènzia y la bunté, orunse se recordé, á la fontana te Chël Bel Dî. Deache "le Signur é valënt y süa grazia döra por dagnora" dij le Salm 100.
16.11.19 Sabeda <i>Oferta por la Caritas</i>	15.30 Mëssa tla Ciasa de Palsa 18.30 Mëssa prefestia <i>(ultima plata)</i>	20.00 Mëssa prefestia <i>(ultima plata)</i> 2ª de sopoltöra de Zezilia ved. Pezzei	
17.11.19 <i>Florin da Matsch</i> 33ª DOMÈNIA DL ANN C <i>De mondial dla püra jënt</i> DOMÈNIA DLA CARITAS	9.00 Corona <i>Oferta por la Caritas</i> 9.30 Gran Mëssa dla Comunité vis y def. fam. Franz Planatscher por les animes dl purgatore en onur de Sant Ojöp da Oies de rengraz. dles grazies scincades	7.55 Corona por + Zezilia Daporta P. 8.15 Gran Mëssa dla Comunité <i>Oferta por la Caritas</i>	
18.11.19 Lönesc <i>Segra dles Basiliches SS. Pire y Paul</i>			
19.11.19 Dedolönesc <i>Elisabeta da Thüringen, Matilda</i>	19.30 Mëssa vis y def. dla fam. Burgl Clara + Frida Ploner Vantsch + Tarina Ferdigg Moling (dla Union) + Florian Franzelin		
20.11.19 Dedemesaledema <i>Corbinian, Ziprian, Edmund</i>		7.50 Mëssa di scholars 3ª de sopoltöra de Zezilia ved. Pezzei ++ Emma y Hermann Pezzei, Camura ++ Scebio y Angela Nagler	
21.11.19 Jöbia <i>Santa Maria da Ierusalem</i>	7.30 Mëssa di scholars y Corona voc. ++ dla fam. Frenner, Lovara + Maria Dapunt Erlacher (dla Union) +++ Arcangel, Nane y Monica Zingerle + Marianna Frenner		
22.11.19 <i>Zezilia, Filemon</i> Vëndres <i>Confesciuns sö Oies</i> <i>cun siur Paul Campeï 16.30 - 18.00</i>	18.30 Adoraziun chîta 19.00 Adoraziun deboriada	7.30 Mëssa ++ Paul y Emma Mischi ++ dla fam. Paracia, ++ Dejaco	
23.11.19 Sabeda <i>Clemens, Columban, Felizita</i>	15.30 Mëssa tla Ciasa de Palsa 18.30 Mëssa prefestia fam. Damiano Moling de rengraziam. families de Carmen Erlacher dl ann + Emma Conrater Trebo ++ Cristina y Franz Conrater + Maria Pedevilla	20.00 Mëssa prefestia de rengraz. fam. Franco Pezzei fam. Franz Schanung, Caïser ++ Ida y Fonjo Pezzei	
24.11.19 FESTA DE CRIST RE - C <i>Santa Zezilia patrona dl cianté</i> <i>y dla musiga de dljia</i>	9.30 Mëssa solëna fam. Trebo, Pension Tor ++ Monica y Tone Tolpeit ++ Hannele y Sciandro Trebo + Otto Ploner	7.55 Corona 8.15 Gran Mëssa dla Comunité	